

HAAPAERAA MAA



E tiā ia haapāpūhia e aha te haapaeraa māa. E riro ra e, i haapaōhia na teie peu e te tahi mau pupu taata no te pāruu ia ōre rātou ia riro i te mau tiāporo. Te tahi tumu teie rātou i manaō ai e faataime i ta rātou māa, nā roto i to rātou iho hinaaro, no te tahi taime.

E haapaō-atoā-hia na i te taime e tupu ai hoē ōhipa fau faa no te nūnaa. Haamanaō ia Mote. Ua rave o ia i teie peu i te taime a horoāhia ai ia na te Ture a te Atua. Ua nā reira atoā te nūnaa Iteraera hou e i muri aē i to na faarueraa atu ia Aifiti.

Ua riro atoā na teie peu ei rāveā faahepo ia tāuāhia mai to ōe hinaaro.

FAUFAA TAHITO

E tiā ia haapāpūhia e aita te haapaeraa māa i riro ei rāveā, nā roto ia i to ōe haavīraa i to ōe tino, no te ūmi i te Atua. Eiaha ia moēhia eere roa atu i te hoē peu i reira ōe e faahiahia mai ai. Ia haapae rā i te māa, te tatarahapa ra ia e te faaineine ra no te mea te fātata mai ra te Hau o te Arii nui, oia o te Atua. Te taime te reira ōe e lte faahou ai i te faahaēhaa i mua i te aro o te Atua.

I muri iho, ua riro te haapaeraa māa ei peu faature-roa-hia e te āti luta. I reira to te mau perofeta tiāraa mai no te faahapa i te reira huru hiōraa (Itaia 58/1-16) Ta te Atua haapaeraa e hinaaro, ia fariu ē ia ōe i to aro ia na e ia tauī ōe ia ōe no te fārii ia na i roto roa i to āau (Tetaria 7).

FAUFAA API

I roto i te mau Evaneria no Ietu, ua tāātihia te haapaeraa māa i te pure e te hoarāraa taoā. O Ietu iho, ua haapae o ia i te māa e 40 mahana te maoro. O ia atoā ia i te faalteraa e, i te Atua ra o ia. Aita noa aē ra o ia i faariro i teie peu ei peu faahepohia e haapaō.

Ua faahitihia te parau o teie peu i roto i te Mataio 6/16-18. Nā reira hoī te Mataio 17/21. O Ietu iho ia tei

hinaaro ia haapaōhia te haapaeraa māa no te faaruru i te tahi mau fifi. I roto i te Ruta 2/37, tei roto i te taime tialraa i te ora no ō mai i te Atua ra. Ia au i te faatiāraa a te puta Ohipa 3, aita e haapaeraa māa i faariro hia ei ture ta te hui faaroo e haapaō tuutuu ōre.

Aita atu ta te mau āpotetoro titaaraa matamua roa ūno, ia noaa ia rātou iho ia horoā ia rātou e to rātou oraraa no te Atua.

HAAPAERAA MAA TERETE-TIANO

Ei manaō pūōhu i teie mau hiōraa, e tiā ia parauhia e te haapaeraa māa, ia au i te arataira teretetano, e rāveā noa e noaa ai ia ōe te itoito no te faaēre ia ōe i te tahi mau manaō e te tahi mau hiaai. Ia matahataha noa to feruriraa e to āau no te titau i te mea tei hau aē i te maitai. (Torota 2/16-23).

Te lte ra tātou eere roa te haapaeraa māa i te rāveā faahepo i te Atua aore ra i te taata ia tāuā mai i to ōe hinaaro. Ei rāveā rā i reira e noaa ai ia ōe ia faaroo i te tahi reo halhai roa e parau mai nei ia ōe i te parau ora.

Haamanaō, ia haapae i te māa, o ōe iho ta ōe e faaineine ra no te tahi ōhipa faahiahia Eere atu ra i te tahi peu noa ta ōe e haamātau i te haapaō E titaaraa rā i te mea ta to āau e fārii ātā ra no te mea ua apiapi roa ūno.

E. Roe

CHIN LOY
~AMEUBLEMENT~
DES MEUBLES POUR TOUTE LA MAISON

Fare Ute. Tél: 2 82 63



E Peni teie e hamani hia nei i Tahiti

Renseignements et Conseils

Société Polynésienne des peintures FULLER

Tél: 2 47 12 BP 1312 PAPEETE

PEHEPEHE

TE AROHA

No te taata nei i hohoā ai te aroha
Ia lte te taata i te taata
Aita atu ta te fenua e hāroā : e aroha
Ia riro rā te reo o te aroha
E marae ia te taata no te taata

E paaina ōtūi te aroha i roto i te āau
Ia piri rā te mata, te vaha e te rima o te aroha
E tii tarai-faanehenehe-mau-hia ra ia
E ānavai haumārū te aroha i roto i te taata
Eita rā te taata e farerei i te vāhi pape ōre

E uī aroha maere rahi teie
E aroha i te ūri, e haapohe rā i te taata
E pāpai i to na iōa i niā i ta na aroha
E ani i te taime e te āpi no to na aroha
Aroharoha aē te maiaa puua

Ua vāvāhi-āpaāpa-hia te fenua
Ua vāvāhi-āpaāpa-atoā-hia te aroha
Ua aroha noa to reira āpaāpa i to na noa mau taata
Ua tāhoo riri rā i te mau taata no te tahi atu āpaāpa
Ua āhurea te mata o te aroha e teie uī

Tei parau i te aroha ra, e faatupu ia i te hau
E mata no te here te mata o te aroha
E reo tāmahanahana te reo o te aroha
E rima ūmi ora te rima o te aroha
No te taata nei hoī i hohoā ai te aroha.

Turo a Raapoto

NOUVEAU MODELE

LAND ROVER

UA TAE MAI TE PEREOO LAND ROVER API-110

CARROSSERIE ALUMINIUM

- Diesel
- 5 vitesses, 4 roues motrices
- Suspensions de la Range Rover
- Direction assistée
- Freins à disque

INTERCAR IMPORMAT
B.P 562 UTUROA

DISTRIBUE PAR IMPORMAT

